



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann B

28.01.2024 - 04.02.2024 - 4. domënia ia por l'ann

n. 9

La potenza dla parora

 Deut 18, 15–20 | 1 Cor 7, 32–35 | Mc 1, 21–28

Dal Vangele do San Merch:

²¹A Cafàrnaum ê Gejù jü le dé de sàbat tla sinagoga y â metü man da insigné. ²²Y la jënt se fajô demorvëia de so insegnamënt; deach'al ti insignâ sciöche un che à autorité, y no sciöche i studià dla lege. ²³Te süa sinagoga êl sentè n'ël che ê impossessè da n' spirit impur. Chël à metü man da scraié: ²⁴Ćî unse pa nos da fà cun tè, Gejù da Nàzaret? Este gnü a nes parè tla roina? I sa chë che tö es: le Sant de Dî. ²⁵Dailò l'â Gejù comanè: Scuta y làscele! ²⁶Le spirit impur, stracian chël'ël ia y ca, l'â lascè cun n' dër scraiamënt. ²⁷Dailò s'â düc spordü, y ai se damanâ un l'ater: Ćî é pa chësc? N' insegnamënt nù, incundé cun autorité! Ćinamai i spiric impurs ti olga a so comane. ²⁸Y so inom se slariâ fora debota te döt le raiun dla Galilea.



ANTIFONA

Dëidesse, Signur, nosc Dî, abïnesse adöm fora de düc i popui! I orun aprijé to inom sant y ester ligri, íiodiche i podun te laldè.

 Letöres dla 5. domënia ia por l'ann:

lob 7, 1–4.6–7 | 1 Cor 9, 16–19,22–23 | Mc 1, 29–39

Edema liturgica dai 28.01. ai 04.02.2024

2024	Ora	Mëssa
4. domënia ia por l'ann 28.01.2024 <i>Festa de Sant Ojöp</i> <i>Freinademetz Tomesc</i> <i>d'Aquino, Carlo le Gran,</i> <i>Carolina, Karin</i>	9:30 10:00	Corona Zelebrazium dla Parora de Dî <p align="center">A Oies dales 20.00 Introduziun ala festa de S. Ujöp Frëinademetz</p>
LÖNESC - 29.01.2024 <i>Sant Ojöp Freinademetz,</i> <i>Valerio, Gerhard</i>		<p align="center">Festa de Sant Ojöp Frëinadamez sö Oies cun Mësses dales 16.00 y dales 20.00</p>
MERTESC - 30.01.2024 <i>Martina, Serena</i>	7:30	S. Mëssa di scolari <i>letur Verena</i> en onur de S.Ujöp Frëinademetz ad intenziun
MERCUI - 31.01.2024 <i>Giovanni Bosco, Scebio</i>		---
JÖBIA - 01.02.2024 <i>Brigitte, Giovanna</i>		7.30 - S.Mëssa a Rina
VËNDRES - 02.02.2024 FESTA DLA PRESENTAZIUN DAL SIGNUR TAL TEMPL, Santa <i>Maria dles cianderes, dal</i> <i>poch De dla vita consacrada</i> <i> Dietrich, Stefan, Alfred</i>	8:00 !!	Adoraziun dl pröm vëndres
SABEDA - 03.02.2024 <i>Sabeda de Santa Maria /</i> <i>Blaje, Ansgar, Oskar, Simeon</i> <i>y Hannah</i>		7.30 S.Mëssa a La Pli 18.00 S.Mëssa prefestiva a Al Plan
5. domënia ia por l'ann - 04.02.2024 <i>De dla vita Rabanus</i> <i>Maurus, Agata, Veronika</i>	9:30 10:00	Corona S.Mëssa <i>Siur Klaus</i> fam.de Eduard Winkler -rengraziamënt fam. de Hubert Ferdigg aniv. + Alfred Winkler aniv. + Milia Devall Benediscium dles ciandëres Benediscium de S.Blaje

Mësses a San Martin:

Dom 10.00

Dedol 8.00

Sab 18.30

Dom 10.00



Informaziuns y terminns

La festa de **patrozone, S.Antone abat**, é indo dër garatada. Porchël n gran dilan a duc chi che á tut pert, á daidé abelí la S.Mëssa y a duc chi che á daidé o fat val sorvisc sön plaza, te salf manifestaziuns, fistidié por na buna marëna o pro le batadú. N bel dilan a duc chi che á de ca val pest o fat ofertes. Dilan y Dî sl paies!!

Le consëi de cöra

Dis de preparaziun al maridé - Le Sorvisc ai Jogn Val Badia mët a jí i "Dis de preparaziun al maridé" dala sabeda 06 d'aurí ala domënia 07 d'aurí tal Zënter dla Jonëza y dla Cultura ``SaJ.un`` a La Ila. Le curs sará por ladin y na picera pert por todësch. Le program prevëiga referac y formaziun tl ciamp dla comunicaziun, relaziun, spiritualité, sanité y dërt. I referënc sará Dr. Kastlunger Lois (coordinadú), Dr. Ferdigg Christian (pert religiosa), Dr. Pedevilla Christian (avocat) y Massardi Petra (consulënta). Le numer de partezipanc é limité y por che Osta prenotaziun áis valüta, Ves periunse da Ves prenoté te Sorvisc ai Jogn (odette@jogn.org), anter ai 25 de merz 2024. Le cost é de 180,00€ a per (curs + marenes).

Museum Ladin Ciastel de Tor: Laboratore creatif por mituns y mitans dai 5 cina ai 10 agn ai 07.02.2024 dales 15:00 ales 16:30 tl Musem Ladin Ciastel de Tor. Pastelnun adöm mascheres y imparun a conësce le carnescé ladin. Cina a 15 partezipanc. Prisc: 5€ / möt*a. Prenotaziun por telefon a 0474 524020 o email prenotaziuns@museumladin.it

Le dotur Eduard Agreiter é demez dal lönesc, 29, cina en dedemesaledema, 31 de jená, da misdé, y vëgn sostituí da dr. Grete Mahlknecht 349 06 67 034.

	30.01.2024	Maximilian - Paul
	04.02.2024	Niklas - Teo – Karol - Thomas
	04.02.2024	Annamaria Kircher
	Les mius aodanzes por le compliagn ti fajunse a Erlacher Albuino (79). Döt le bun.	

Festa de Sant Ojöp Frëinadamez sö Oies

Domënia, 28 de jená:

- dales 20.00 introduziun ala festa de S. Ujöp Frëinademetz

Lönesc, 29 de jená:

- - dales 16.00 Mëssa solëna (Pater Christian Stranz SVD - Cor da San Martin)
- - dales 20.00 Mëssa (degan Iaco Willeit - Cor da La Val)



Oraziun

Di, nosc Signur, plëgn de to Spirit Sant á sant' Ujöp Freinademetz lascé süa tera y sciöche miscionar ál anunzié la buna noela al popul cinesc. Dásse na orëdla acorta y n cör davert a tüa parora, mantëgn vies te nos la fede y la speranza y fá ch'i sunse bugn da vire tl amur. Dëidesse porté pro ala creaziun de n bun clima por vocaziuns spirituales y dáí a düc chi che te chërdes tla funziun da proi, religiusc o religioses la desponibilité da respogne cun ligrëza a tüa cherdada. De chësc te periunse por Gejú Crist, nosc Signur. Amen.



DON BOSCO

Don Bosco (31 de jená) - Sce an li descriziuns dla situaziun di mituns y jogn tl 19. secul pël che an sides ti tëmps da incö. Tröc mituns y jogn messâ se arangé da susc, deache i geniturs messâ laoré por la trá inant; y les scores ne reagî nia ala situaziun cambiada. Don Bosco (1815-1888) â capí che les condiziuns soziales di jogn messâ gní miorades; cun la creaziun de „oratori“, l'pröm a Torino, ti metol a desposiziun n albergh, guant y da mangé. Èl y so colaoradus viô cun i jogn sciöche te na familia. So prinziips de educaziun ê amur, intelet y fede. Canche al ê mort êl bele gnü fat tl Europa y tl America Latina 250 de te ciases por i jogn. Dl 1934 él gnü detlaré sant.

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it